

Adroddiad i'r Cabinet

Dyddiad y Cyfarfod 19 Hydref 2021

Aelod Arweiniol / Swyddog: Y Cyng. Brian Jones: Aelod Arweiniol Gwastraff,
Cludiant a'r Amgylchedd / Tony Ward: Pennaeth Priffyrdd,
Cyfleusterau a Gwasanaethau Amgylcheddol

Awduron yr Adroddiad: Peter Clayton, Rheolwr Prosiect a Tony Ward, Pennaeth
Priffyrdd, Cyfleusterau a Gwasanaethau Amgylcheddol

Teitl Dull arfaethedig i Dendro am Gam 2 Gorsaf Trosglwyddo
Gwastraff newydd Cyngor Sir Ddinbych, Stad Ddiwydiannol
Colomendy, Dinbych

1. Am beth mae'r adroddiad yn sôn?

1.1. Mae'r adroddiad hwn yn cynnig cynnal proses dendro i ddewis prif gontractwr i gyflenwi Cam 2 o Orsaf Trosglwyddo Gwastraff newydd i GSDd yn Ystâd Ddiwydiannol Colomendy, Dinbych. Mae angen Gorsaf Trosglwyddo Gwastraff arfaethedig i gefnogi'r newid gwasanaeth sydd wedi'i gynllunio ar gyfer casglu gwastraff o aelwydydd.

2. Beth yw'r rheswm dros lunio'r adroddiad hwn?

2.1. Mae angen penderfyniad i roi cymeradwyaeth i gynnal proses dendro arfaethedig i ddewis prif gontractwr i gyflenwi Cam 2 o Orsaf Trosglwyddo Gwastraff newydd i GSDd yn Ystâd Ddiwydiannol Colomendy, Dinbych.

3. Beth yw'r Argymhellion?

3.1. Bod y Cabinet yn cymeradwyo i gynnal y broses tendro arfaethedig

SYLWCH: Bydd adroddiad pellach yn cael ei gyflwyno i'r Cabinet i gael cymeradwyaeth ar gyfer Dyfarnu'r Contract ar ôl y broses dendro, a fydd hefyd

yn cadarnhau trefniadau rheoli'r contract, costau cyflwyno tendr a manylion y contract.

- 3.2. Bod y Pwyllgor yn cadarnhau ei fod wedi darllen, deall ac ystyried yr Asesiad o'r Effaith ar Les (Atodiad 1) fel rhan o'i ystyriaethau.

4. Manylion yr Adroddiad

- 4.1. Mae manylion ynglŷn â'r amserlen amlinellol ar gyfer y broses dendro arfaethedig i'w cael isod. O ystyried gwerth y gwaith posib, mae amserlenni Cyfnodolyn Swyddogol Yr Undeb Ewropeaidd (OJEU) yn berthnasol. Wrth sefydlu a chynnal proses dendro bydd y swyddogion yn gweithio gyda (ac yn cael cyngor gan) Y Gyfraith a Chaffael. Bydd y tendr yn cael ei gyflwyno trwy Gwerthwchi Gymru drwy ddefnyddio'r system Proactis. Mae cerrig milltir allweddol a dyddiadau targed ar gyfer y broses dendro i'w gweld isod:

Dyddiad targed	Carreg Filltir
29/10/2021	Caffael / Cyfreithiol yn cytuno ar delerau terfynol, manyleb a methodoleg gwerthuso'r contract
01/11/2021	Hysbysebu'r tendr
10/12/2021	Cau'r tendr i ymatebion, dechrau gwerthuso
18/02/2022	Gorffen gwerthuso (dechrau cyfnod segur o 10 diwrnod ar ôl cyflwyno'r llythyrau dyfarnu)
30/03/2022	Dyfarnu'r contract
25/04/2022	Contract yn dechrau (Gwaith)

- 4.2. Disgwylir i'r contract fod gwerth oddeutu £5.25M sydd o fewn y gyllideb bresennol wedi'i ddyfarnu ar gyfer cyflenwi'r GTG newydd i gefnogi'r gwaith o ailfodelu'r gwasanaeth gwastraff arfaethedig yn ehangach.

5. Sut mae'r penderfyniad yn cyfrannu at y Blaenoriaethau Corfforaethol?

- 5.1. Er heb ei grybwyll yn uniongyrchol o fewn y Cynllun Corfforaethol presennol, mae'r newidiadau a gynlluniwyd ar gyfer casglu gwastraff o aelwydydd yn cael effaith bositif ar Flaenoriaeth Corfforaethol, "Yr Amgylchedd: Deniadol ac wedi'i Ddiogelu, gan gefnogi lles a ffyniant economaidd". Bydd yn cynyddu nifer ac ansawdd y system ailgylchu a gesglir o aelwydydd, ac yn cynyddu cyfleoedd ar gyfer ailgylchu dolen gaeedig. Bydd hefyd yn galluogi i ehangu busnesau lleol o bosib, gan arwain at gyfleoedd cyflogaeth a thwf economaidd.

6. Faint fydd hyn yn ei gostio a sut y bydd yn effeithio ar wasanaethau eraill?

- 6.1. Cost y broses dendro arfaethedig yn bennaf fydd amser y swyddog a fydd yn gwneud y gwaith. Fel y nodwyd eisoes, bydd angen derbyn cymeradwyaethau pellach gan y Cabinet ar gyfer y penderfyniad o Ddyfarnu Contract i'r contractwr llwyddiannus ar ddiwedd y broses dendro.

7. Beth yw prif gasgliadau'r Asesiad o'r Effaith ar Les?

- 7.1. Yn syml mae'r Adroddiad yn gofyn am gymeradwyaeth i gyflwyno Gwahoddiad i Dendro, gweler Atodiad 1 am wybodaeth bellach ar yr Asesiad o'r Effaith ar Les sy'n cael ei gyflawni ar gyfer yr holl Ailfodelu Gwasanaeth Gwastraff lle mae'r datblygiad ar gyfer Gorsaf Trosglwyddo Gwastraff newydd yn elfen allweddol i gefnogi'r model ar gyfer gwasanaethau newydd arfaethedig. Mae canlyniad terfynol yr Asesiad o'r Effaith ar Les yn bositif.

8. Pa ymgynghoriadau sydd wedi'u cynnal gyda Chraffu ac eraill?

- 8.1. Mae **Grŵp Ardal Aelodau Dinbych** wedi hysbysu ar y cynnydd o ran datblygu'r safle fel eitem sefydlog ar y rhaglen ar gyfer pob cyfarfod.

- 8.2. Ymgynghorwyd gyda, a diweddarwyd yr Aelod Arweiniol Gwastraff, Cludiant a'r Amgylchedd a'r Aelod Arweiniol Cyllid ynghylch eu safle ar y **Bwrdd Prosiect**. Mae'r Bwrdd Prosiect wedi'i gadeirio gan Bennaeth Priffyrdd a Gwasanaethau Amgylcheddol sy'n gweithredu fel Swyddog Gweithredol Prosiectau ac yn cyfarfod tua unwaith y mis, ac ym mhob Bwrdd Prosiect mae'n diweddarau ar y Risg ac mae'r safle bresennol o ran Costau yn cael eu cyflwyno i'w hadolygu a'u gweithredu fel bo'r angen.
- 8.3. Cafodd yr egwyddor gyffredinol o ddatblygu Gorsaf Trosglwyddo Gwastraff newydd i gefnogi'r gwasanaeth casglu gwastraff cyffredinol ei gymeradwyo'n wreiddiol gan y **Grŵp Buddsoddi Strategol a'r Cabinet** yn Rhagfyr 2018 a chyflwynwyd diweddariadau dilynol ar gynnydd ym **Mhwyllgor Craffu Cymunedau** yn Hydref 2019 a Mai 2021 a **Briffio'r Cabinet** ym Mawrth 2021. Hefyd, cyflwynwyd y dewis a ffefrir sef prynu tir yng Ngholomendy, Dinbych a datblygu'r Gorsaf Trosglwyddo Gwastraff ar y tir hwnnw i'r **Cyfarfod Cyffredinol** ym Mawrth 2019. Cyflwynwyd Cam 1 – Contract Galluogi Gwaith, dull Gwahoddiad i Dendro a Dyfarnu Contract wedi hynny sy'n cael ei gyflenwi ar y cyd rhwng 4 o fusnesau ar Ystâd Ddiwydiannol Colomendy i'r **Cabinet** i gael ei gymeradwyo yn Hydref 2020 (dull Gwahoddiad i Dendro) ac Ebrill 2021 (Dyfarnu Contract).
- 8.4. Wedi ymgynghori â'r Prif Swyddog Ariannol – gweler yr ymateb isod:

9. Datganiad y Prif Swyddog Cyllid

- 9.1. Mae'r broses dendro a fydd yn helpu i gyflenwi'r gwaith o ddatblygu Gorsaf Trosglwyddo Gwastraff newydd i gefnogi'r newid yn y gwasanaeth casglu gwastraff cyffredinol wedi cael ei gymeradwyo mewn egwyddor. Mae'r dyfarniad contract ei hun yn destun adroddiad pellach. Ar sail hynny mae'r adroddiad yn cael ei gefnogi.

10. Pa risgiau sydd ac a oes unrhyw beth y gallwn ei wneud i'w lleihau?

10.1. Mae'r Prif Risgiau, y tebygolrwydd iddyn nhw ddigwydd a'r camau gweithredu i leihau'r risgiau hynny wedi'u rhestru isod:

Prif Risgiau	Effaith Tebygol	Camau i Leihau'r Risg
Dim ymatebion i'r tendr	Uchel	Annhebygol yn y sefyllfa sydd ohoni
Pwysau marchnad barhaus ar brisiau a chyflenwad deunyddiau	Uchel	Mae Cam 2 wedi'i adolygu ac yn amcangyfrif ac yn cymryd i ystyriaeth y pwysau marchnad presennol mor bell ymlaen ag sy'n bosib
Ymatebion gan ymgeiswyr sydd o bosib ddim yn addas neu'n ansefydlog yn ariannol oherwydd yr hinsawdd ariannol presennol	Uchel	Bydd gwiriadau ariannol yn cael eu cyflawni, y swm tendro yn cael ei adolygu, a chostau isel yn cael eu cwestiynu
Coronafeirws	Isel	Gwaith adeiladu i gael ei gynllunio i fynd i'r afael ag unrhyw sefyllfa

11. Pŵer i wneud y Penderfyniad

11.1. Deddf Diogelu'r Amgylchedd 1990 Rhan II

11.2. a111 Deddf Llywodraeth Leol 1972

11.3. a120 Deddf Llywodraeth Leol 1972